



Na osnovu člana 36. stav (1) Zakona o akcizama u Bosni i Hercegovini (“Službeni glasnik BiH”, broj: 49/09), a u vezi sa članom 14. stav 1. alineja vii) Zakona o sistemu indirektnog oporezivanja u Bosni i Hercegovini (“Službeni glasnik BiH”, br. 44/03, 52/04, 34/07, 4/08 i 49/09), Upravni odbor Uprave za indirektno oporezivanje, na sjednici održanoj 23.09.2010.godine, donio je

ODLUKU

o izmjenama i dopunama Odluke o količinama dizel-goriva na koje se ne plaća putarina u periodu juli-decembar 2009. godine

I

U Odluci o količinama dizel-goriva na koje se ne plaća putarina u periodu juli-decembar 2009.godine („Službeni glasnik BiH“, broj:5/10), stav 1. tačke III mijenja se i glasi :

„Za realizaciju ove Odluke zadužuje se Uprava za indirektno oporezivanje, koja treba osigurati realizaciju oslobađanja količina iz tačke II ove Odluke putem povrata putarine“.

U stavu 2. iza riječi “rezervi”, dodaju se riječi “izdvojenih u 2010. godini”.

II

Iza tačke III dodaje se nova tačka IIIa koja glasi:

“IIIa

„Povrat plaćene putarine na dizel-goriva za period juli-decembar 2009.godine vrši se na osnovu pismenog zahtjeva pravnih lica iz tačke II Odluke o količinama dizel-goriva na koje se ne plaća putarina u periodu juli-decembar 2009.godine“.

Zahtjev za povrat putarine iz stava 1. ove tačke podnosi se Grupi za kontrolu velikih poreznih obveznika, odnosno Grupi za reviziju i kontrolu nadležnog regionalnog centra UIO prema sjedištu podnosioca zahtjeva i isti mora da sadrži:

- a) podatke o podnosiocu zahtjeva (naziv, adresu –sjedište, JIB, odgovorno lice kod pravnog lica);
- b) broj Odluke o količinama dizel-goriva na koje se ne plaća putarina u periodu juli-decembar 2009. godine;
- c) podatke o fakturama po kojima pravna lica iz tačke II odluke imaju pravo na povrat putarine (broj i datum fakture, količina dizel goriva i iznos obračunate putarine po fakturi),
- d) ukupna količina dizel-goriva za koji se traži povrat;
- e) ukupan iznos putarine za koju se traži povrat;
- f) broj računa kod banke na koji se treba izvršiti prijenos sredstava

g) datum podnošenja zahtjeva.

Po prijemu zahtjeva iz stava 2 ove tačke, ovlaštena službena lica UIO će, u roku od 15 dana, izvršiti kontrolu kod podnosioca zahtjeva s posebnim osvrtom na namjensko korištenje nabavljenih količina dizel-goriva iz tačke II ove odluke, te o utvrđenom činjeničnom stanju sačiniti zapisnik u kojem će jasno konstatovati iznos putarine za koji je potrebno izvršiti povrat.

U postupku iz stava 3. ove tačke, podnosilac zahtjeva dužan je ovlaštenom službenom licu staviti na uvid svu dokumentaciju koja se odnosi na nabavku i utrošak dizel-goriva.

Nakon poravnanja drugih obaveza po osnovu indirektnih poreza, UIO će izvršiti povrat putarine, u roku od 30 dana, računajući od dana kada je nadležna organizaciona jedinica UIO zaprimila zahtjev“.

III

Ova Odluka stupa na snagu danom donošenja, a bit će objavljena u „Službenom glasniku BiH“ i službenim glasilima entiteta.

Broj:UO 2309/127/10

Datum: 23.09.2010. godine

Predsjednik
Upravnog odbora
Dragan Vrankić, s. r